



ИЗЧИЛ ИСЛОҲОТЛАР – ИҚТИСОДИЙ БАРҚАРОРЛИК ГАРОВИ

ДАВЛАТ РАҲБАРИ ИЖТИМОИЙ-ИҚТИСОДИЙ ТАРАҚҚИЁТ МАСАЛАЛАРИГА БАҒИШЛАНГАН МАЖЛИС ЎТКАЗДИ

Унда мамлакат тараққиётининг янгиланган тахминлари ва республика бюджетини аниқлаштириш бўйича таклифлар кўриб чиқилди. Тадбирда Бош вазир Асқар Мамин, Президент девони раҳбари Ерлан Қўшанов, Миллий банк раиси Ербўлат Дўсаев ва бошқалар иштирок этишди.

Йиғилиш давомида Ҳукумат ижтимоий-иқтисодий тараққиёт тахминлари ва жаҳон иқтисодиётидаги вазиятни, товар бозорларидаги мойиллик ва 2021 йилнинг биринчи чорагидаги дастлабки натижаларни ҳисобга олган ҳолда жорий йил учун республика бюджетини аниқлаштириш бўйича таклифларни тақдим этди. Хусусан, жорий йилда ИЯМнинг ўтган йилнинг шу даврига нисбатан ўсиши ва 3,1 фоизни ташкил этиши кутилмоқда.

Бюджетни аниқлаштиришдан мақсад – Давлат раҳбари Мақтуби ва Nur Otan партиясининг сайловолди дастурида белгиланган вазифаларни амалга татбиқ этиш. Шу муносабат билан бюджетнинг ҳам даромадлари, ҳам харажатлар қисмининг ўсиши кутилмоқда.

Қўшимча маблағлар магистраль йўллари тараққиёт этириш, «Овул – эл бешиги» лойиҳасини амалга оширишни давом эттириш, иқтисодиётнинг энг кўп зарар кўрган соҳаларида тадбиркорлик субъектларини қўллаб-қувватлаш, бандликнинг йўл харитасини амалга ошириш ва агросаноат мажмуасини ривожлантиришга йўналтирилади.

Муҳокама яқунлари бўйича Давлат раҳбари харажатларни мувофиқлаштириш, бюджет даромадларини ошириш, давлат харидлари тизимини такомиллаштириш, инфратузилма ва рақамлаштиришни ривожлантириш, шунингдек, хусусийлаштиришнинг мажмуавий режаси доирасида иқтисодиётдаги давлат улушини камайтириш бўйича тадбирларни фаоллаштириш юзасидан кўрсатмалар берди.

Akorda.kz.

ЯНГИ СУВ ОМБОРИ БАРПО ЭТИЛДИ 2

ОНАДАН ЧАҚАЛОҚҚА ЎТМАГАН КОРОНАВИРУС 4

ҚИЗ БОЛАГА МЕҲР БЕРИНГ... 6



МИНТАҚА РАҲБАРИ ПРЕЗИДЕНТГА ҲИСОБОТ БЕРДИ

Давлат раҳбари Қасим-Жўмарт Тўқаев телефон орқали Туркистон вилояти ҳокими Ўмирзақ Шўкеев билан минтақадаги санитария-эпидемиологик ва ижтимоий-иқтисодий вазиятни муҳокама қилди.

Туркистон вилояти ҳокими Президентга коронавируснинг тарқалиши бўйича минтақанинг ҳозирги кунда “яшил” ҳудудда экани ҳамда 35 минг фуқаронинг вакциналанганини маълум қилди.

Бугунги кунда Туркистон вилояти республикада жун, сут ва гўшт етиштиришда пешқадамлик қилмоқда ва минтақанинг устувор йўналишларидан бири – вилоят марказини сифатли озиқ-овқат билан тўлақонли таъминлашдир. Шу муносабат билан Туркистон шаҳри атрофида қатор қалдирғоч лойиҳаларни ўз ичига олган озиқ-овқат белбоғини яратиш тўғрисида қарор қабул қилинди. Асосий лойиҳалардан бири бу ўз озуқа базасига эга сут-товар фермасини ташкил қилиш лойиҳасидир.

1200 бош голштин-фризс зотдор қорамолга мўлжалланган янги ферманинг асосий мақсади аҳолини сифатли сут маҳсулотлари билан таъминлашдир. 46 гектар майдон ажратилиб, Интимақ қишлоғи (Кентов шаҳри, Чоға қишлоқ округи)да янги ферманинг қурилиши бошлаб юборилди.

Бугунги кунда лойиҳа доирасида Италиянинг Rota Guido компанияси қурилиш-монтаж ишларига киришди. Ушбу лойиҳа минтақада сут ва сут маҳ-

қасим-Жўмарт Тўқаевга янги Сауран туманини ташкил этишга доир ахборот берилди. Ўмирзақ Шўкеевнинг айтишича, ҳозир янги ҳокимликнинг бошқарув тизими ва бюджети тасдиқланмоқда. Яқин кунларда ҳуқуқни ҳимоя қилиш органлари ва вазирликларнинг маҳаллий бўлимлари фаолият бошлайди. Янгидан ташкил этилаётган туманнинг аҳолиси 100 мингдан ошади, умумий майдони 650 минг гектарга яқин. Туманнинг маъмурий маркази Чўрноқ қишлоғи.

Шунингдек, суҳбат давомида

электр қувватининг фавқуллода вазиятда ўчиши туфайли келтирилган зарарларни бартараф этиш, баҳорги сув тошқинининг олдини олиш ҳамда обикор деҳқончилик муаммоларини ҳал этишга алоҳида эътибор қаратилди.

Давлат раҳбари вилоят ҳокимига минтақадаги санитария-эпидемиологик аҳволни барқарорлаштириш ҳамда фуқароларни вакциналаш тадбирларини жонлантириш юзасидан қатор аниқ топшириқлар берди.

ЕТТИ ХАЗИНАГА ЙЎЛ

ВИЛОЯТДА 1200 БОШГА МЎЛЖАЛЛАНГАН ЯНГИ СУТ-ТОВАР ФЕРМАСИ ТАШКИЛ ЭТИЛАДИ



сулотлари сифати ва ҳажмини ошириш имконини беради ва янги иш ўринлари яратилади.

Келгусида ушбу лойиҳа йилдан йилга сайёҳлар сони ошиб бораётган вилоят марказини сифатли сут маҳсулотлари билан таъминлайди.

2019 йилдан бошлаб, лойиҳанинг биринчи босқичи доирасида «Туркистон» қишлоқ хўжалик шirkати 1000 гектар майдонда озубоқ экинларни етиштиришга киришди. Бюджет маблағ-

лари ва жалб қилинган сармоялар ҳисобидан 18та ёмғирлатиб суғориш ускунаси харид қилинди, шунингдек, озубоқ экинлар етиштирилаётган ерларга 26та қишлоқ хўжалиги техникаси ўрнатилди.

Лойиҳа режасига кўра, етиштирилган ҳосил барпо этилаётган саноат сут-товар фермасини зарур ем-хашак базаси билан тўлиқ таъминлайди.

Вилоят минтақавий алоқалар хизмати.

ЛАТИФ ШАҲАР ЯНАДА ЛАТОФАТЛИ БЎЛАДИ



Туркистон вилояти ҳокими Ўмирзақ Шўкеев юртимизнинг маънавий пойтахтида олиб борилаётган ободончилик ва кўкаламзорлаштириш жараёнлари билан танишди.

Вилоят раҳбари мутасадди шахсларга санитария меъёрлари ва эҳтиёт чораларига риоя қилиш зарурлигини эслатди. Таъкидлаш жоиз, айна пайтда Туркистон вилояти «яшил» ҳудудда.

– Минтақадаги карантин ва чеклов чоралари эпидемиологик вазият барқарорлашгунга қадар давом этади. Эҳтиёт чоралари ва интизомни, айниқса, қурилиш соҳасида кучайтириш керак. Бундан ташқари, барча туман ва шаҳар ҳокимлари, идора раҳбарлари ва тегишли давлат органлари чеклов чоралари асосида ишлашга мажбурдирлар, – дея таъкидлади Ўмирзақ Шўкеев қурилиш майдонларига ташрифи чоғида.

Туркистон шаҳридаги «Рамзлар майдони»да ободонлаштириш ишлари олиб борилмоқда. Уни янгилаш ва замонавийлаштириш тадбирлари маҳаллий аҳолининг ташаббуси билан амалга оширилмоқда.

Шунингдек, минтақа раҳбари «Тизимли истироҳат боғи» ҳудудида олиб борилаётган ободонлаштириш ишлари билан танишди. Унинг майдони 0,7 гектар, яшил ҳудуд – 0,3 гектар. Боғда ёритиш мосламалари ўрнатилган. Бундан ташқари, пиёдалар йўлаклари ётқизиш, кўкаламзорлаштириш майдонида автоматик суғориш тизимини ўрнатиш тадбирлари олиб борилмоқда.



ЯНГИ СУВ ОМБОРИ БАРПО ЭТИЛДИ

Туркистон шаҳрида барпо этилган Кенсай-Қўшқўрғон-2 сув омборига сув қуйила бошлади. Натижада, кўп сув жамғармасига эга бўлмаган шаҳарда обикор сув масаласи ҳал этила бошлади. Қорасув дарёсининг шаффоф, тоза сувини сақлашга мўлжалланган янги омборнинг ишга туширилиши сув тошқини хавфини камайтиради.

Эслатиб ўтамиз, ўтган йили ушбу лойиҳа вилоят ҳокими Ўмирзақ Шўкеевнинг ташаббуси билан амалга оширилган эди. Вилоят раҳбари янги иншоот қурилишини шахсан ўзи назорат қилди.

– Келажакда Кентов ва Туркистоннинг орасидаги масофа воҳага айланади. Янги сув омборларининг сони ортади. Бу минтақада балиқчиликни ривожлантиришга таъсир кўрсатади. Сув омборлари соҳилида ҳордиқ ҳудудлари очилади. Энди сувдан самарали фойдаланиб, суғориладиган майдонлар учун сарфлаш мумкин, – деди шаҳардаги сув омборларининг қурилишини назорат қилган минтақа раҳбари.

Туркистон вилоятида обикор сув тақчиллигини ҳал этиш мақсадида йирик сув иншоотларининг қурилиши юритилган. Ҳажми 18 млн. куб метр сув омборига 1 млн. куб метр сув жамланди. Келгусида уни 10 млн. куб метргача етказиш режаланмоқда. Сув омборининг 9,8 чақирими тўлиқ бетон билан қопланди. Сув етказувчи каналнинг 14,5 чақирими қазилди. Лойиҳа тўлиқ ишга туширилса, Туркистон шаҳрига йилига қўшимча равишда 34 млн. куб. метр сув боради.

Вилоят раҳбарларининг кўрсатмасига биноан минтақадаги барча сув тармоқлари ва тизимлари рақамлаштирилади.

ИМКОНИАТДАН ФОЙДАЛАНИНГ!

БОШПАНАЛИ БЎЛИШ ИМКОНИ КЎПАЙДИ

Йил бошидан буён Туркистон шаҳрида фаолиятини бошлаган «Уй-жой савдоси» маркази юқори суръатда ишламоқда. Бугунги кунда марказга «Bank RBK» ҳам бирлаштирилди. Шу кунгача фуқаролар «Оила банки» ҲЖ, иккинчи даражали банклар – «Қозғистон халқ банки» ҲЖ, «Сбербанк» ҲЖ орқали уй-жой олиш тўғрисидаги маълумотларини олиб келишган.

Туркистон шаҳридаги Маъмурий-тадбиркорлик марказида қурилиши тугалланган кўп қаватли уйларни (1,2 ва 3 хонали) 2021 йилнинг март ойидан бошлаб «Оила банки» ҲЖ иккинчи даражали банклар «7-20-25» дастури доирасида узоқ муддатли насияга бермоқда.

Туркистон шаҳри ҳокимлигининг қурилиш бўлими маълумотларига кўра, биринчи чоракда 16та, иккинчи чоракда 27та, учинчи чоракда 22та, тўртинчи чоракда 17та уйни фойдаланишга топшириш кўзда тутилган.

Таъкидлаш жоизки, Туркистон вилояти ҳокими Ўмирзақ Шўкеевнинг топшириғига кўра, шаҳарда уй сотиш маркази очилган эди.

● Обод манзиллар шукуҳи

Йил охиригача 700дан зиёд оила бошпанали бўлади



Туркистон вилояти ҳокими Ўмирзақ Шўкеев вилоят марказида барпо этилаётган кўп қаватли уй-жойлар қурилишини кўздан кечирди.

Қурувчилар билан учрашувларда вилоят раҳбари, авваламбор, барпо этилаётган иншоотларнинг сифатига эътибор қаратиш, шунингдек, белгиланган жадвалга мувофиқ ишларни

яқунлаш тўғрисида кўрсатма берди.

Ўтган йили Туркистонда уй-жой олиш учун навбатда турган фуқаролар сони 12 минг кишидан ошди. Шунинг учун янги ижтимоий уйлар сонини кўпайтириш тўғрисида қарор қабул қилинди.

Ўтган йил охирида навбатда турган 440 киши квартирага эга бўлди. Яна 534 киши кўчмас мулкка кредит расмиёлаштирилган.

Бундан ташқари, 7та уй-жой биноси фойдаланишга топширилган. «Оила банки» орқали 336та квартира фойдаланишга топширилди. Бугунги кунда маъмурий-тадбиркорлик марказида 77та уй барпо этилмоқда. Жорий йил охиригача 730 квартира фойдаланишга топширилади.

Шу билан бирга, йил охиригача қадар шаҳарда 46та кўп қаватли уйнинг ташқи қиёфаси янгиланади. Маънавий пойтахтда автомобиль йўлларини ёритиш ва тубдан таъмирлаш юзасидан кенг кўламли ишлар яқунланди. Хусусан, вилоят марказида 10 чақирим йўл таъмирланди, 200 чақирим узунликдаги 140та кўчага ёритиш мосламалари ўрнатилди. 100 чақирим йўл асфальтланди, 81та кўчага пиёдалар йўлаги ётқирилди.

Вилоят ҳокимининг
матбуот хизмати.

“FARAB” кутубхонаси хорижлик олимларни лол қолдирди

Вилоят ҳоқими Ғамит Шўкеев хорижлик йирик олимлар ва археологлар билан бирга “Farab” кутубхонасига ташриф буюрди. Мамлакатимиздаги ягона илмий-оммабоп мажмуа илғор технологиялар билан жиҳозланган. Асосийси – кутубхона ёшлар марказига айланиб бормоқда.

Марказ ижодкорлик ва илҳомни ўзида муржаб этган ва ноёб лойиҳаларни ҳаётга татиқ этадиган мажмуа сифатида барча китобсеварларнинг севимли масканига айланади. Бунинг учун барча шароитлар яратилган.

Янги кутубхонанинг фаолияти билан Қозоғистон Республикаси Жаҳон мероси миллий қўмитаси раисининг ўринбосари Дмитрий



институтининг мухбир аъзоси Виктор Зайберт ва бошқалар танишди.

2019 йили роботлар техникаси бўйича ўтган жаҳон чемпионатида учинчи ўринга эга бўлган жамоа “Farab” кутубхонасида фаолиятини бошлади.


Кутубхонада эски қўлёзма ва китобларни асл ҳолига келтиришга

мўлжалланган Марказий Осиёда ягона цех очилди. 3D моделини ясашга мўлжалланган проекция хонаси, каллиграфия ва санъат студияси, турли устахоналар мавжуд.

Марказда китобсеварлар бир-бири билан учрашиб, давра суҳбатлари уюштирилади. Тақдимот зали, илмий-



Воякин, тарих фанлари доктори, Қозоғистон Республикаси А. Марғулан номли МФА академиги ва Археология институтининг бош директори Бауржан Байтанаев, академик, З. Буниятов номидаги Шарқшунослик институти директори ўринбосари Шайм Мустафаев, Вашингтон университети Антропология кафедраси профессори Сент-Луис Майкл Фрачетти, Татаристон Фанлар академиясининг мухбир аъзоси, А. Халиқов номидаги археология институти директори Айрат Ситдиқов, археолог, тарих фанлари доктори, Германия Археология



тадқиқот маркази, китоб сақлаш омбори ҳам мавжуд. Бу ерда нодир китоблар ва монускриптилар сақланмоқда. Хорижлик олимларни китоб жамғармаси лол қолдирди.

Вилоят ҳоқимининг матбуот хизмати.



«Туркистон – 3000 ёшда»

Х. А. Яссавий номидаги Халқаро қозоқ-турк университетиде чет эллик олимлар, археологлар иштирокида «Туркистон – 3000 ёшда» мавзuida давра суҳбати уюштирилди.

Учрашувда Туркистон вилояти ҳоқимининг ўринбосари С. Қалқаманов, университет раҳбари Ж. Темирбекова, тарих фанлари доктори, Қозоғистон Республикаси А. Марғулан номли МФА академиги ва Археология институтининг бош директори Б. Байтанаев, Қозоғистон Республикаси Жаҳон мероси миллий қўмитаси раисининг ўринбосари Д. Воякин, академик, З. Буниятов номидаги Шарқшунослик институти директори ўринбосари Ш. Мустафаев, Вашингтон университети Антропология кафедраси профессори С. Фрачетти, Татаристон Фан-



олиб борилмаган эди. Энг қизиғи – қадимий Туркистоннинг уйғониш даври ўзига хос чуқур тарихга эга. Бинобарин, қабилалар бу ҳудудда милоддан аввалги XV асрда яшаган. Туркистон ҳудудидаги археологик мажмуаларни ўрганиб, иккита қадимий қабристонни топдик. Бу ерда

ҳунармандчилиги, дунё илм-фанига беқиёс ҳисса қўшган алломалари билан машҳур.

Бу йўналишдаги эзгу сайй-ҳаракатлар тарихимизни мукамал ўрганиш, жаҳон илм-фани ривожига улкан ҳисса қўшган улуғ мутафаккирларимизнинг ҳаёти ва фаолиятини чуқур тадқиқ этиш, маъна-



лар академиясининг мухбир аъзоси, А. Халиқов номидаги археология институти директори А. Ситдиқов ва бошқалар иштирок этди.

Мақсад – Туркистоннинг 3000 йиллиги ҳақидаги тарихий маълумотларни жамоатчиликка эълон қилиш.

– Туркистон қадимий ва буюк шаҳар. Ушбу ноёб шаҳарнинг тарихи қадимги даврлардан, кўп асрлар муқаддам бошланган. 1990-2000 йилларда биз Туркистоннинг 1500 йиллигини нишонладик. Аммо ўшандан буён кўп вақт ўтди. Биз ушбу санани нишонлаган даврдаги маълумотлар Совет Иттифоқи даврига тегишли бўлиб, Қозоғистонда шу йилларда ҳеч қандай жиддий тадқиқот

топилган дафн маросимлари ва буюмлари, шубҳасиз, милоддан аввалги XV асрга тегишли, – деди учрашувда Бауржан Байтанаев.

– Мустақиллик йилларида миллий ва маънавий қадриятларимизни тиклаш, ўрганиш ва тарғиб этиш, маданий ёдгорликлар, муқаддас қадимжоларни асраб-авайлаш, уларни асл қиёфасига мос тарзда белгиланган меъморий талаблар асосида қайта тиклаш ва таъмирлаш бўйича кенг кўламли ишлар бажарилди ва бу эзгу ишлар изчил давом этмоқда, – деди Жанар Темирбекова. – Туркистон ўзининг бой номоддий мерос иншоотлари – кўп асрлик осори-атиқалари, ноёб меъморий обидалари,

вийтимизни юксалтириш, ёш авлодни Ватанга муҳаббат, тарихимизга ҳурмат-эҳтиром руҳида вояга етказишда муҳим аҳамият касб этади.

Давра суҳбати иштирокчилари қадим шаҳардаги ёдгорликларнинг ҳали фанга номаълум қирралари ўрганилиб, хусусан Туркистон тарихини жаҳонга намоян этиш зарурлигини таъкидладилар.

Учрашув якунида университет раҳбари меҳмонлар ва олимларга таълим муассасаси номидан «Х. А. Яссавий ҳикматлари» китоби ва лоланинг «Президент Назарбаев» навидан тайёрланган гулдас-тасини туҳфа қилди.

Вилоят ҳоқимининг матбуот хизмати.

Уйи борнинг – бахти бор

Мустақиллик йилларида 1,6 млн. дан зиёд қозоғистонлик бошпана билан таъминланди. Бу ҳақда ҚР Индустрия ва инфратузилмавий тараққиёт вазири биринчи ўринбосари Қайирбек Ўскенбаев маълум қилди.

– Маълумки, бу йил Қозоғистон Мустақиллигининг 30 йиллиги нишонланмоқда. Мустақиллик йилларида мамлакат турли соҳаларда, шу жумладан, қурилиш ва уй-жой коммунал хўжалигида сезиларли ютуқларга эришди. Шу вақт ичида 170 млн. квадрат метр уй-жой қурилди, 1,6 млн. дан зиёд фуқароларимиз бошпана билан таъминланди, – деди Қайирбек Ўскенбаев.

Унинг таъкидлашича, 2020 йилда 140 мингдан зиёд одам уй-жой билан таъминланди.

– 2020 йилда республикада 15,3 млн. квадрат метр уй-жой қурилди, 140 мингдан зиёд уй-жой фойдаланишга топширилди. Бошпана қурилишига сармоялар 2019 йилга нисбатан 33,6 фоизга ўсди ва 2 триллион тенгени ташкил этди. 38,4 минг оила ижтимоий уй-жой ва имтиёзли кредитлар шаклида давлат томонидан қўллаб-қувватланди, – дея хулоса қилди вазир ўринбосари.

Primeminister.kz.

ИССИҚХОНАЛАРДА ИШ ҚИЗГИН

Жаннатмакон диёри-миз заминига таёқ қадалса, ниҳол бўлиб бўй кўрсатади. Ҳатто тупроқдан ҳам мўъжизалар ундиришга қодир бўлган сайрамлик миришкорлар ернинг ҳар бир қаричидан унумли фойдаланиб, халқ фаровонлигини оширишга ҳисса қўшяпти. Жойларда барпо этилаётган иссиқхоналар ҳам илғор инновацион технологиялар асосида жиҳозланиши, меҳнат унумдорлигини ошириш билан бирга кўпгина қулайликлар ҳам яратмоқда.



Сайрам туманидаги 41,7 гектар иссиқхоналарга бодринг, помидор, бақлажон, булғор қалампери, лимон экилган. Шунингдек, ҳовлилар ва кўчаларни ободонлаштириш мақсадида иссиқхоналар-

да гул кўчатлари етиштирилмоқда.

Туман ҳокими Уласбек Садибеков Қорасув қишлоқ округидаги 30 одам меҳнат қилаётган «Нар-Ата» деҳқон хўжалигига ташриф буюриб, миришкорларнинг фаолияти билан танишди.

Ушбу иссиқхона 2020 йил октябрь ойида иш бошлади. Хўжалик раҳбари Э. Элдорбек ҳокимдан қишлоқ инфратузилма тизимини такомиллаштиришни илтимос қилди. Туман ҳокими бу масала



қабул қилинишини маълум қилди.

Вилоят минтақавий алоқалар хизмати.

ЯМТ ТОПШИРУВЧИЛАР ДИҚҚАТИГА

Жорий йилда Туркистон шаҳрида 1337 ўқувчи ягона миллий тестда иштирок этади. Тест карантин муносабати билан «U-FUTURE» МЧБнинг базасида ўтказилади. 2та аудиторияда 100та ўрин тайёрланиб, санитария талабларига тўлиқ риоя қилинади.



Вилоят бош давлат санитария шифокорининг қарорига мувофиқ, иштирокчилар тадбир уюштирувчилар томонидан коронавирус инфекциясининг олдини олиш ва карантин талабларига амал қилиш тўғрисида огоҳлантирилади.



ЯМТ иштирокчиларидан бино кираверишида зарарсизлантириш бекатидан ўтиш, ижтимоий масофани сақлаш, тиббий ниқоб тақиш ва бир марталик қўлқоп кийиш талаб қилинади. Шунингдек, имтиҳон вақтида қўл бериб саломлашиш мумкин эмас. Имтиҳон ўтадиган ҳудудда ота-оналар ёки бошқа фуқароларнинг юриши тақиқланади.

Таъкидлаш жоиз, мамлакатимизда ЯМТ топшириш 15 апрель ва 30 июнь оралиғида ўтади.

Вилоят ҳокимининг матбуот хизмати.

ОНАДАН ЧАҚАЛОҚҚА ЎТМАГАН КОРОНАВИРУС

COVID-19га чалинган 20 ёшли ҳомиладор аёл шифокорлар ёрдамида фарзандини омон-эсон дунёга келтирди.

Сайрам туман юқумли касалликлар касалхонасига олиб келинган ҳомиладор аёлнинг коронавирус юқтиргани аниқланди.

Малакали шифокорлар консилиуми ёрдамида у 3400 гр. вазндаги тўнғич фарзандини омон-эсон дунёга келтирди. Чақалоқдан ҳам коронавирусга тест олинди. Унинг натижаси ўғилчанинг соғлом эканини кўрсатди.

Тиббиёт ходимларининг маълум қилишича, айти вақтда чақалоқ ва онасининг аҳоли қониқарли, улар шифокорлар кузатуви остида.

Дарвоқе, ўтган йили корона-



вирус инфекциясини юқтирган 122 нафар ҳомиладор аёл омон-эсон туғиб олиш бахтига муяссар бўлди.

Туркистон вилоятида янги йилдан буён 15 мингга яқин бола туғилди. Ўтган йили эса

вилоятда 61274 чақалоқ дунёга келди ва вилоятимиз республикада бу кўрсаткичдан биринчи ўринга чиқди.

Вилоят ҳокимининг матбуот хизмати.

Туркистон вилоят маслаҳати сессиясининг Қарори

2021 йил. 15 апрель №6-Ш қарори

Еттинчи чақириқ Туркистон вилоят маслаҳатининг навбатдан ташқари бешинчи сессиясини чақириш тўғрисида

“Қозоғистон Республикасида маҳаллий давлат бошқаруви ҳамда ўзини-ўзи бошқариш тўғрисида” ҚРнинг 2001 йил 23 январдаги Қонунининг 10-модда 2-бандига мувофиқ, 2021 йил 21 апрель куни соат 11.00да еттинчи чақириқ Туркистон вилоят маслаҳатининг навбатдан ташқари бешинчи сессияси масофадан ўтиш тартибиде чақирилсин.

А. ЎРМАН, вилоят маслаҳати сессияси раиси.

● Вилоят маслаҳатида

ТУРКИСТОН ВИЛОЯТ МАСЛАҲАТИ ДЕПУТАЛАРИ ВА ВИЛОЯТ АҲЛИ ЭЪТИБОРИГА

“Қозоғистон Республикасида маҳаллий давлат бошқаруви ва ўзини-ўзи бошқариш тўғрисида” Қозоғистон Республикаси Қонунининг 10-моддасига мувофиқ, Сизларнинг эътиборингизга еттинчи чақириқ Туркистон вилоят маслаҳатининг навбатдан ташқари бешинчи сессияси 2021 йил 21 апрель куни соат 11.00да онлайн-тарзда ўтишини маълум қиламан.

Сессияда муҳокама қилинадиган масалалар:

1. Туркистон вилоят маслаҳатининг 2020 йил 11 декабрдаги 54/557-VI рақамли “2021-2023 йилларга мўлжалланган вилоят бюджети тўғрисида” қарорига ўзгартиришлар киритиш тўғрисида;

2. Жанубий Қозоғистон ви-

лоят маслаҳатининг 2017 йил 30 мартдаги 11/111-VI рақамли “Маҳаллий давлат-хусусий шериклик лойиҳаларининг рўйхатини тасдиқлаш тўғрисида” қарорига ўзгартиришлар ва қўшимчалар киритиш;

3. “Жанубий Қозоғистон вилоят маслаҳатининг 2017 йил 24 августдаги 14/172-VI рақамли “Давлат-хусусий шериклик лойиҳалари бўйича давлат топшириқларини қабул қилиш тўғрисида” қарорига ўзгартиришлар ва қўшимчалар киритиш тўғрисида;

4. “Фуқароларнинг алоҳида тоифаларига амбулатор шароитда даволаш даврида қўшимча бепул дори воситалари, махсус даволаш ҳамда тиббий ашёлар бериш тўғрисида”;

5. Туркистон вилоят масла-

ҳатининг 2019 йил 9 декабрдаги 44/478-VI рақамли “Туркистон вилоят ҳокимлиги қошидаги Инқирозга қарши штаб таркибини тасдиқлаш тўғрисида”;

6. Туркистон вилоятининг Фахрий ёрлиғи билан тақдирлаш тўғрисида.

Сессия муҳокамасига бошқа масалалар ҳам киритилиши мумкин.

Еттинчи чақириқ Туркистон вилоят маслаҳатининг навбатдан ташқари бешинчи сессиясининг онлайн-намоиши maslihat-turkistan.gov.kz ҳаволаси бўйича маслаҳатнинг расмий сайтида олиб борилади.

Қ. БАЛАБИЕВ, вилоят маслаҳати котиби.

Жаҳонда таниқли давлат арбоби ва афсонавий саркарда сифатида шуҳрат қозонган Соҳибқирон Амир Темур умрининг мазмунини миллат дардига дармон бўлишдан иборат деб билди. Унинг ўз даврида бунёдкорлик ва илмфан борасидаги ишларидан қалбимизда ғурур туямиз, ифтихор туйғусидан кўксимиз чароғон бўлади. Шу боисдан ҳам бу улуғ аждодимиз ордан йиллар ўтса-да, адолат тимсоли деб қадрланади, у таваллуд топган кун тантанана, шодиёнага айланади.



БУЮК СОҲИБҚИРОНГА ЭҲТИРОМ



Биз, ҚР ўзбеклари этномаданият бирлашмаларининг “Дўстлик” ҳамжамияти аъзолари, раис Икром Ҳошимжонов раҳбарлигида 9 апрель куни Тошкентда ўтган Амир Темур хотирасига бағишланган тадбирда иштирок этдик.

Бу куни буюк бобокалонимиз ҳайкали пойига гулчамбар қўйиш учун тумонат одам йиғилди. Дунёнинг турли бурчакларидан келган меҳмонлар Соҳибқирон бобомизни ёд этмоқ, руҳларини шод этмоқ, хотирасига таъзим айламоқ учун шошарди...

Биз, Қозоғистон делегацияси ҳам, сахнада Амир Темур сиймосини яратган Абубакир Хонхўжаев билан бирга ҳайкал пойига гулдасталаримизни қўйдик. Абубакир акани келган меҳмонлар ўраб олдилар, бирга суратга тушдилар. Сўнг шу хиёбондаги Темурийлар даври музейида ташкил этилган “Соҳибқирон Амир Темур – Темурийлар уйғониш даври бунёдкори” мавзуда уюштирилган онлайн-илмий анжуманда иштирок этдик. Уни музей директори, академик Хуршид Файзиев очиб берди. Сўнг ЎзР ФА вице-президенти Б. Абдуҳалимов, ЮНЕСКОнинг ЎзРдаги ваколатхонаси раҳбари Ян Хладик, Афғонистон Ислום Республикасининг ЎзРдаги Фавқуллодда ва Мухтор Элчиси Аҳмад Холид Элмий, ЎзР Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари кўмитаси раиси Р. Қурбонов ва бошқалар сўзга чиқиди. Анжуманда кўплаб тарихчи ва адабиётчи олимларнинг маърузаларини тингладик. “Дўстлик” ҳамжамияти раиси, Халқаро Амир Темур хайрия жамғармасининг ҚР бўлими раҳбари И. Ҳошимжоновнинг маърузаси кўпчилик эътиборини ўзига тортди.

Маърузада айтилганидек, сўнгги йиллардаги тадқиқот ишларида Амир Темурнинг тарихий образи борган сари ҳаққоний гавдаланиб бораётганлигининг гувоҳи бўлиш мумкин. Яқинда россиялик тадқиқотчилар буюк саркарданнинг Россияга ҳарбий юришдан бош торгани, унинг адолатли ҳукми натижаси эканлигини, умуман, бу юрт халқларини асрий мўғул истилосидан халос қилишда буюк Темурнинг алоҳида ролини аниқ далиллар асосида эътироф этдилар.

Темурийлар тарихига қизиқишнинг тобора ортиб бориши ва унинг яна бир

муҳим жиҳати – азалдан бир-бирига қўшни бўлиб яшаб келаётган, қардош ва қондош қозоқ-ўзбек халқларининг абадий дўстлигининг мустаҳкамланишидаги ролини таъкидлаб ўтиш мумкин.

Улуғ ва мустаҳкам, айна чоғда тартиб ва адолат ҳукм сурадиган давлат барпо этган буюк аждодимиз Амир Темур ҳозирги Жанубий Қозоғистон ҳудуди тарихи ва маданияти ривожланишида чуқур из қолдирди. Қозоғистоннинг жанубий ўлкаларидаги буюк бобокалонимиз ижтимоий-тарихий фаолияти билан боғлиқ тарихий қадамжолар, ўша ерда юз йиллар давомида оға-ини, дўст ва қўшни бўлиб яшаётган қозоқ ва ўзбек халқлари ҳаётидан тарихий далиллар, аждодлари ҳаёти ва фаолияти Амир Темур номи билан боғлиқ сайрамлик “мир”лар авлодлари – буларнинг барчаси буюк сиймонинг келажак авлодлар учун қолдирган улкан маънавий ва моддий меросидир.

Қозоғистонда Ўзбекистон ва Ўзбекистонда Қозоғистон йиллари доирасида Яссавий диёри, яъни Туркистон шаҳрида ўтказилган маданий ва маърифий тадбирлар орасида “Биз бир халқмиз”, “Амир Темур – буюк саркарда ва бунёдкор” мавзуда ўтган халқаро илмий-амалий анжуман иштирокчиларида катта таассурот қолдирди.

Қозоғистонда Соҳибқирон номи билан боғлиқ тарихий қадамжолар жуда ҳам кўп. Чунончи, Туркистон шаҳрида жаҳонга машҳур маҳобатли Хожа Аҳмад Яссавий ва Ўтрорда Арслонбоб мақбаралари мавжуд. Шунингдек, Амир Темур номидаги темир йўл станцияси (бекати), ҳозирги Ўрдабоши туманининг маркази Темирлан овули, Темурнинг қадами етган сонсиз боблар макони Сайрамда Аҳмад Яссавийнинг отаси Иброҳим ота ва онаси Қорасоч она мақбаралари ҳам Соҳибқироннинг фармони ила бунёд этилган. Кўҳна ва навқирон Туркистон шаҳрида Амир Темур номидаги ўрта таълим маскани фаолият юритмоқда, Шимкент шаҳридаги шоҳқўчаларнинг бирига Амир Темур номи берилган.

Амир Темур фармони билан Аҳмад Яссавий мақбарасига 1399 йил Қарноқ қишлоғида Эрондан келган уста Абдулазиз Табризий томонидан 7 хил турли металл: олтин, қумуш, темир, қўрғошин, мис, рух ва қалайдан дунёга машҳур

тойқозон ясалган. У 1935 йили Россияда ўтган Эрон кўрғазмасига олиб кетилган ва кўп йиллар давомида Санкт-Петербурнинг Эрмитаж музейида сақланган. Уни жамоат арбоблари Ўзбекиали Жанибеков ва Эркин Жўрабековлар 1989 йил 18 сентябрь куни Туркистонга қайтаришган. Галдаги режа – келгусида Аҳмад Яссавий мақбараси олдидаги хиёбонга Соҳибқироннинг от устида ўтирган катта маҳобатли ҳайкалини ўрнатиш.

Яқинда Тошкентда нашрдан чиққан Сайрамда туғилиб ўсган ўзбекистонлик давлат ва жамоат арбоби, Ўзбекистонда хизмат кўрсатган қишлоқ хўжалиги ходими, академик Камолжон Шодиметовнинг “Соҳибқирон Амир Темур авлиёлар юртида” китобида Амир Темурнинг буюк сиймоси, унинг Жанубий Қозоғистон халқлари ҳаётида қолдирган ёрқин изи ва унинг меросининг ҳозирги авлод тарихий тафаккурида намоён бўлиши атрофлича баён этилган.

Тадбир иштирокчиларига «Жанубий Қозоғистон» вилоят ижтимоий-сиёсий газетасининг Соҳибқирон таваллудига бағишланган мақола чоп этилган сонини мамнуният ва ифтихор билан тарқатдик ва у ўзбекистонликларда зўр қизиқиш уйғотди.

Анжуманда сўзга чиққан Абубакир Хонхўжаев Амир Темур монологини айтган пайтида барчамизнинг қалбимиз ҳаяжонга тўлди, гўёки бобомиз руҳи биз билан бирга эди...

Шу куни биз ЎзР Қуролли Кучлар Академиясидаги “Амир Темурнинг ҳарбий санъатни ривожлантиришдаги роли” мавзудаги халқаро илмий-онлайн конференцияда қатнашдик.

И. Ҳошимжоновнинг “Қозоғистон Республикасида Амир Темур ҳарбий санъатини ўрганиш” мавзудаги маърузаси ҳарбийлар эътиборини тортди.

Қозоғистон делегацияси Тошкент сфаридан кўнгли тоғдек бўлиб қайтди.

Нурхон ДЎСМАТОВА,
Қозоғистон ўзбеклари
“Дўстлик” ҳамжамияти
раисининг ўринбосари.

Замонга мос Кодекс

Жамият бир жойда тургани йўқ. Инсоният барча соҳаларда тараққиёт сари жадал интиломоқда. Шу боис ҳар соҳада ўзига хос янгилик, ўзгаришлар пайдо бўлмоқда. Масалан, кундаликда фойдаланиб юрган гаджетларсиз бугунги ҳаётимизни тасаввур этолмай қолдик. Ижтимоий тармоқларга улашиш учун смартфон қанчалар керак бўлса, янги Кодекс ҳам мамлакатимизнинг ҳуқуқ соҳасидаги муносабатларини сошлаш учун шунчалар муҳим.



21 аср ахборот асри. Шунинг учун ижтимоий тармоқдан фойдаланувчи фуқаролар сони кундан кунга ортиб бормоқда. Мабодо фуқаро давлат хизматчиси томонидан ўзига нисбатан бирорта ноҳақлик ҳолатини сезса, дарҳол бир ҳаракат билан муносабат билдира олади. Жамиятда норози одамларнинг шу тарздаги муносабатлари кўпайди. Давлат органлари WhatsApp, Instagram, Face book тармоқлари орқали аҳоли фикр-мулоҳазаларини билиш ва қабул қилиш учун махсус саҳифалар очилган. Call-centre орқали нохуш ҳолатларни самарали ва тез ҳал қилиб, фуқароларнинг олқишига сазовор бўлишмоқда.

Муаммолар Ҳукумат ёрдамида ҳал этилиб, фуқаролар ижобий қарорларга эришмоқда. Суд соҳасида ҳам бундай ижобий иш – янги Кодекс. Аҳоли учун яна бир қулайлик. Унинг афзаллиги шундаки, томонларни суд ҳарбида яраштиради, маъмурий иш тез муддатда кўриб чиқилади, норози томонлар медиация йўли билан тотулаштирилади.

Гулсезим БЕЙСЕБЕК,
вилоят адлия департаментининг
ҳуқуқий тарғибот ва аҳолига
ҳуқуқий хизмат кўрсатиш
бўлимининг бош мутахассиси,
Қозоғистон ҳуқуқшунослар
уюшмаси аъзоси.

Янги Кодекс ҚР Олий Суди ва ҚР Адлия вазирлигининг малакали ҳуқуқшунослари томонидан, халқаро андаза-ларга мос тажрибага таянган ҳолда ишлаб чиқилди. Бу мамлакат учун муҳим воқеа ҳисобланади. Унинг асосий вазифаси фуқароларнинг барча муносабатларини тез ва самарали ҳал қилиш учун тузилган “Халқ овозини тинглайдиган давлат”нинг ишончли таянчи бўлишдир.



У маъмурий актни қабул қилиш тартиби, унинг ижроси, ноқонуний актининг ноқонунлигини тан олиш, бартараф этиш, шунингдек, маъмурий орган ва суд баҳсларининг ҳал этиш тартибига хизмат қилади. Кодексдаги яна бир янгилик – маъмурий иш кўриб чиқилаётган пайтда далилларни йиғиш мажбурияти хусусий шахс ёки бизнес вакилларига эмас, балки давлат органи зиммасига тушади. Бундан ташқари, қонунчиликдаги барча қарама-қаршиликлар фуқароларнинг манфаатларини инобатга олган ҳолда тушунтирилади.

Урмия ҚУЛИМБЕТ,
вилоят адлия
департаментининг
бош мутахассиси.



Баҳодир СОБИТ

Серқирра ижодкор Баҳодир Собитов (Баҳодир Собит) 1950 йилда Қозоғистоннинг Турбат қишлоғида туғилди. Меҳнат фаолиятини эрта бошлади. Тошкент Давлат (ҳозирги Ўзбекистон Миллий) университетининг она тили ва адабиёти факультетини тахсил олди.

Баҳодир Собит филология факультетини Тошкентда тамомлаб келгач, Турбат қишлоғидаги “Янгитирлик” тўлиқсиз ўрта мактабида ўзбек тили ва адабиёти фанидан дарс берди. Юзлаб муносиб шогирдлар тайёрлади. У Ўзбекистон халқ ёзувчиси Туроб Тўлани устоз сифатида қадрлаб, унинг фотиҳасини олган ажойиб ижодкор эди.

“Жанубий Қозоғистон” газетасининг Қазигурт ва Саригоч туманлари бўйича махсус мухбири сифатида фаолият кўрсатиб, нашрнинг чинакам фидойиси бўлди. Баҳодир Собитнинг “Қалб армуғони”, “Турбат тароналари” тўпламлари ўз ўқувчиларини топса, Иккинчи жаҳон урушининг инсоният қалбида қолдирган битмас-туганмас жароҳатлари баён қилинган “Битмас жароҳат” асари Ўзбекистон Телерадиокмпанияси томонидан сахналаштирилиб, телетомошабинлар ҳукмига ҳавола этилган, ўз ҳамқишлоқлари ҳақидаги маълумотлар эса “Турбатликларим” асарида ифодасини топган. Сўнг унинг “Саждагоҳим – Ватаним” номли китоби нашр этилди, шунингдек, “Мағрибу машриқда порлаган юлдуз” достони ўзбек китобхоналарига оммавий ахборот воситалари, Жиззах телевидениеси орқали етказилди.

“Турон чечаклари”, “Тўёна”, “Турон тўлқинлари”, “Дўстлик достони”, “Мангулик элим менинг” (“Вечная страна моя”), “Тўелсиздик теб-ренистер” каби қатор жамоавий тўпламларга шеърлари киритилди. Вилоят ўзбек драма театрида сахналаштирилган “Совчилар” асари уни драматург сифатида танитди.

Баҳодир Собит “Жанубий Қозоғистон” газетаси ва “Дўстлик” ҳамжамияти уюштирган “Назм гулшани” мушоираси ҳакамлар ҳайъати аъзоси сифатида ёш ижодкорларни тарбиялашга ҳам катта ҳисса қўшди.

Қозоғистон ва Ўзбекистон шоир-ёзувчиларининг Турбат қишлоғида бир неча ижодий учрашувларини ташкил этиб, қардош халқлар адабий алоқаларини мустаҳкамлашда ҳам жонбозлик кўрсатди.

Серқирра ижодий ҳамда самарали ижтимоий фаолияти учун у “Қозоғистон Республикаси Мустақиллигига – 10 йил” юбилей медали, “Жамоат фахрийси”, “Жамоат фидойиси”, “ЖҚВ ўзбек маданият марказининг 25 йиллиги” кўкрак нишонлари, “Қазигурт туманининг фахрий фуқароси” унвони, турли даражадаги Фахрий ёрлик ва Ташаккурномалар билан тақдирланган. Шоир “Ижодкор” адабий бирлашмасини тузишда ҳам камарбаста бўлди.

Ҳассос шоир, оташқалб ижодкор Баҳодир Собитнинг порлоқ хотираси қалбимизда доимо яшайди.

“Жанубий Қозоғистон” газетаси таҳририяти жамоаси.



Яхшилар ўлмайди, улар хотиралар қаърида яшайдилар. Ота номини, шаънини муқаддас билган оталар эса дунёдаги энг улуг зотлардир...

Тор кўчадан отам билан борар эканман, олдимиздан от миниб келаётган Маҳкам отага дуч келамиз. Бу одам мироб эди.

– Қизим, ана, қишлоғимизнинг ҳурматли отахони келяпти, салом бер, – деди.

– Хўп бўлади, – дедим ва салом бериб, тез юриб Маҳкам отанинг олдини кесиб, йўлнинг нариги томонига ўтишга ҳаракат қилдим.

– Тўхта, қизим, катталарнинг олдини кесиб ўтиб бўлмайди. Бу уларга нисбатан ҳурматсизлик бўлади! – деди.

– Раҳмат, Баҳодир, ота-онангга раҳмат! – деди Маҳкам ота.

Бу сабоқ кейинчалик ҳам доим ёдимда бўлди. Мактабни тамомладим. Она тили ва адабиёт фани ўқитувчиси бўлишни истардим. Ниятимга етиб, талаба бўлдим.

Отам ҳаво ранг “Жигули”сида ҳафтанинг ҳар шанбаси мени Тошкент шаҳридан Турбат қишлоғига, уйимизга олиб кетар ва душанба кунини яна институтга олиб бориб кўярди. Мана шундай кунларнинг бирида яна

Отанинг сабоқлари...

туғилиб ўсган қишлоғим томон йўл олди. Ота юртим томон борар эканмиз, мен дадамдан:

– Ада, нега мен Тошкентга кетаётганимда тез етиб олгандай бўламан, қишлоққа эса етиб олишим жуда қийиндек туюлади? – деб сўрадим.

– Бу юрт, Ватан соғинчи қизим, – дея жавоб берган эди дадам.

Далалар, гўзал тепаликларни томоша қилиб борар эканман, Турбат деб ёзилган лавҳа кўринади. Пастликда турли рангларга бўялган томлар, яшилликка бурканган қишлоғим кўринади. Ҳар сафар шу ерга келганда адам баланд овозда:

*Асилсан, сержилва, ажойиб диёр,
Сувларинг биллурдек*

тоза, беғубор...

дея ўзининг гўзал шеърини ўқирди...

Жаннати отам ўтли сатрлари билан ҳам Ватанга муҳаббатдан, юртга садоқатдан сабоқ берарди...

Қиз бола палаҳмон тоши экан. Ёр-ёр садолари остида, ота-онанинг дуолари билан ўзга бир хонадонга келин бўлиб тушдим. Мен тушган хонадон жуда саранжом-саришта эди. Бироз муддатдан сўнг ота уйимга меҳмон бўлиб бордим. Отам ва онам мени қувониб қарши олишди. Тўкин дастурхон устида ҳаммамиз суҳбат қуриб, адам шеърлар ўқиб, кулишиб, овқатланиб ўтирдик.

– Ада, опа, мен тушган хонадонда дастурхон тепасида гаплашишмас экан – дедим.

– Қани, тур, қизим, – дедилар кўрсаткич бармоғини стулга аста тақиллатиб. Агар касал бўлсанг тузалганимда кел, хафа бўлсанг – хурсанд бўлганимда кел. У уйдан бизга, биз-

дан уларга гап ташима. Онаси, қизинг кетар экан, уйини соғинибди, – деди.

Дадам мени машинада уйимга олиб бориб қўйди. Унинг биргина, оталарча меҳрибонлик билан айтган гаплари ханузгача қулоғим остида жан-жангалаб туради. Шу биргина ҳаракати орқали қиз боланинг оиласига меҳр қўйишда, у хонадондан бу хонадонга гап олиб келмаслик натижасида қудалар ўртасидаги самимий ришталар мустаҳкамланишини тушундим. Отанинг бу сабоқларини бир умр унутмадим.

Эрта тонгда телефон жиринглайди. Отам ўктам овозда:

– Ассалому алайкум, она қизим. Омонмисиз? Уйдагилар тинчми? Куёвим яхшими? Қизим, куёвимни ардоқла, уни ҳурмат қил. У сени бир умрлик йўлдошинг. Эракк киши доимо аёлидан ширин гап эшитса, ишга яхши бориб келади. Омадини берсин. Омон бўл, – деб, чиройли дуо қиларди.

Ҳол-аҳвол сўраб ҳам, ҳар гапида ҳикмат билан сабоқ бериб кетадиган отажоним, сизни жуда соғиндим...

Доим ёнимда юрардингиз, энди ёдимдасиз мудом. Сиз берган сабоқлар умримнинг мазмунига айланди. Бирор инсондан раҳмат эшитсам, дуо олсам, ҳамиша сизни эслайман. Меҳрибоним, ғамхўрим...

Охиратингиз обод бўлсин. Бугунги фаровон ҳаётим, тинч рўзгорим ортида сизнинг насиҳатларингиз, меҳнатларингиз борлигини ҳис қиламан.

Сизга муносиб фарзанд бўлишга интилиб яшайдиган қизингиз.

Дилфуза БАҲОДИР қизи.



Қиз болага меҳр беринг...

(ОТАЖОНИМНИ ЭСЛАБ)

Кўп кузатганман. Муаззам ойим раҳматли ёш келинларни дуо қилсалар, «илойим, Баҳодирхўжага ўхшаган ўғил берсин», дердилар. Қўшнимизнинг Баҳодир деган ўғли бўларди, синглиси синфдошим эди. «Биласанми, акамга адангни исмини қўйишган, шу одамга ўхшасин, деб», деган эди.

Адам раҳматли жуда олижаноб, раҳмдил, элпарвар, доим чиройли либосларда юрадиган, ўзлари ҳам алпкомат, кўркам инсон эдилар. Ҳозир ҳам ёзипману, қулиб турган чехраси кўз олдимда турибди.

Бир кун дўконга чиройли, оппоқ,

спортчилар кийимини эслатадиган чет эл курткиси келди. Синфдошларимнинг айтишича, ўзи бир дона келган экан. Айтганимни муҳайё қиладиган адажоним шуни менга олиб беришларига ишонардим. Ишдан келишлари билан ялина бошладим. Ўзи битта эканлигини, эртага сотилиб кетиши мумкинлигини айтиб, ҳиқиллайвердим. У пайтда дўконлар давлатга қарашли бўлар, кечки соат 19.00да ёпиларди. Соат 21.00 бўлибди. Тамом! Дўкон ёпилди. Энди кап-катта қиз росмана йиғлай бошладим.

Адам «Волга»сига ўтқазиб, сотувчининг уйига бордик, муҳрланган дў-

конни очтириб, курткани олиб берган эдилар.

Сизга ҳозир жуда тантиқ қиз қиёфасида таассурот қолдиргандирман, аммо, тўқис ўтган болалигим учун ҳам кейин доим кўзим тўқ бўлди.

Бунинг ҳеч бир ибратли жойи йўқку, дерсиз. Қиз бола уйига чиндан ҳам меҳмон бўлади. Отасининг уйда меҳрга тўйиб улғайган қиз кейин оиласига, фарзандларига ҳам чексиз меҳр бера олади.

Эртақлардагидек бетакрор ўтган болалигим учун ташаккур, адажоним. Аллоҳим кенг феълингиздан ёрлақасин! Жаннатларда ёруғ юз билан учрашиш насиб этсин.

Феруза СОЛХЎЖАЕВА.

● Соҳибқирон Амир Темурнинг 685 йиллигига

Туркистондаги Амир Темур номли умумий ўрта мактабда Соҳибқирон таваллудининг 685 йиллигига бағишланган “Амир Темур – дунё миқёсидаги тарихий шахс” мавзуда тадбир ўтди.

Яссавий мақбарасини қурғирган ҳукмдор



Тарихий давр акс этган мактаб даҳлизида мавзуга оид китоблар кўргазмаси ҳам ташкил этилди. Карантин чекловлари туфайли тадбирда иштирок этиш ниятидаги барча меҳмонларни таклиф қилишнинг имкони бўлмади.

Мактаб устозлар жамоаси, шаҳар ҳокимлиги ички сиёсат бўлими қошидаги “Ёшлар имконият маркази” раҳбари Бахитжан Дукенбаев, Туркистон шаҳар ўзбек этномаданият бирлашмаси қошидаги оқсоқоллар кенгаши раиси Тўлқин Саид-

муродов, меҳнат фахрийси, устоз Қаҳҳор Мусаевлар туркий оламнинг муштарак сиймоси бўлган Соҳибқироннинг жаҳон миқёсида бунёдкорлик, илм-маърифат равнақига кўшган ҳиссасини, хусусан, Туркистондаги Яссавий мақбарасини барпо этган буюк инсонни улуғлаб, ушбу сана билан барчани муборакбод этишди.

Яқинда ўтган Туркий кенгаш саммитида буюк ўзбек шоири, мутафаккири ва давлат арбоби Алишер Навоийнинг туркий дунё маънавий-маърифий ҳаётига кўшган бекиёс ҳиссасини инobatга олиб, фан, таълим, адабиёт, санъат, ижтимоий соҳа-

ган буюк шоир ва мутафаккир Хожа Аҳмад Яссавий меросига алоҳида эътибор қаратилади ва диний-ахлоқий қарашлари билан минтақамизда улкан эътибор қозongan ҳазрат Яссавийга Соҳибқирон Амир Темур ихлос қўйгани ҳамда унинг хотирасига Туркистон шаҳрида муҳташам мақбара бунёд этгани таъкидланди.

Мустақиллик йилларида Темур қадрияти ҳам қайта тикланди. Унинг жаҳон миқёсидаги, хусусан, Мовароуннаҳр, Турон ўлкасидаги маърифат, қурилиш, ободончилик, меъморчилик соҳаларидаги залворли меҳнати

бугунги кунда миллионлаб зиёратчиларни ўзига оҳанрабодай жалб этмоқда.

ҚР ўзбек этномаданият бирлашмалари “Дўстлик” ҳамжамияти раиси, халқаро Амир Темур жамғармаси раиси Икромжон Ҳошимжонов тўхфа этган, мактаб даҳлизида ўрнатилган Соҳибқирон бюсти фахрий меҳмонлар иштирокида тантанали равишда очилди. Сўнг Амир Темур ҳаётига оид тарихий асарлардан лавҳалар намойиш этилди.

Мактаб устози, жамоат ишларида фаол Рўзимат Камолов Амир Темур ролини ихро этди.

Тадбирда устозлар ижросида “Темур тузуқлари”, васиятлари ҳамда ҳикматлари, хусусан, унинг “Адоват эмас, адолат енгади”, “Ақлли душман нодон дўстан афзалроқдир”, “Бир ишни бошлашдан аввал ўндан чиқишни ўрган”, каби доно ўғитлари қозок, рус, ўзбек ҳамда инглиз тилларида янгради.

Тадбирни ташкил этиш ва ўтказишда мактаб директори Рўзбой Юсупов раҳбарлигида устозлар – Рўзимат Саидакбар ўғли, Зарифа Икром қизи, Нарғиза Зоқир қизи, Салтанат Сайлаубай қизи, Нодира Анорбой қизи, Индира Мурод қизи, Мунаввар Тўхташ қизи, Шоира Бакаева, Ўғилой Каримжон қизи, Илҳом Ибодулло ўғли, Дилмурод Солихон ўғли каби иқтидорли устозлар халқаро Амир Темур жамғармаси раиси Икромжон Ҳошимжонов, Туркистон шаҳар ўзбек этномаданият



лардаги ютуқлар ҳамда туркий дунё бирлигини мустаҳкамлаш йўлидаги саъй-ҳаракатларни рағбатлантириш мақсадида Туркий кенгаш доирасида Алишер Навоий номидаги халқаро мукофотни таъсис этиш таклиф қилинди. Вақти келиб, барча туркий халқларнинг маънавий юксалишига улкан ҳисса қўш-

ижобий баҳосини олди. Ҳақиқат эгилди, лекин синмай, қайта тикланди. Қарноқ кишлоғида уста Табризий шогирдлари билан қўйган машҳур дошқозон ҳам Амир Темурнинг мақбарага тўхфасидир. Баландлиги 37 метрдан зиёд, жами 35 хонадан иборат ушбу меъморчилик санъати дурдонасига айланган мақбара

бирлашмаси раиси Баҳодир Ирисметов ҳамда мактаб маъмуриятининг Ташаккурномалари билан тақдирланди.

Ш. МАДАЛИЕВ.

Суратларда: тадбирдан лавҳалар.

Муаллиф тасвирлари.

Директор — Бош муҳаррир учун — Муроджон АБУБАКИРОВ.

Бош муҳаррир
ўринбосарлари:

Муроджон АБУБАКИРОВ.
Авазхон БЎРОНБОЕВ.

Масъул котиба —
Шаҳноза УСМОНОВА.

Масъул шахслар:

Туркистон, Кентов — Шомирза МАДАЛИЕВ. 8(72533) 2-40-07.
Тўлебий — Баҳорой ДЎСМАТОВА. 8(72547) 6-07-16.
Қазигурт — Хуршид ҚЎЧҚОРОВ. +7-701-447-37-42.
Сайрам — Мухтабар УСМОНОВА. +7-707-257-97-36.
Тулқибош — Мунира САЪДУЛЛАЕВА. +7-747-144-60-71.
Обуна, реклама ва эълонлар — Зоқиржон МЎМИНЖОНОВ. +7-702-278-96-90.

Қозоғистон Республикасида тарқатилади.

Муассис: Туркистон вилояти ҳокимлиги.
Мулк эгаси — “Жанубий Қозоғистон вилоят ижтимоий-сиёсий газетаси таҳририяти” масъулияти чекланган биродарлиги.

● Мақолалар, эълон ва билдирувлардаги факт ҳамда далилларнинг тўғрилиги учун муаллифлар, реклама ва эълон берувчилар масъулдир.
● Фойдаланилмаган мақолаларга ёзма жавоб қайтарилмайди.

“ERNUR-print” МЧБ босмахонасида chop этилди,
Шимкент шаҳри, Т. Алимқулов кўчаси, 22.

Буюртма:
985.

МАНЗИЛИМИЗ: 160000, Шимкент шаҳри, Диваев кўчаси,
4-уй, 4-қават. Телефон: 53-93-17. Телефон: 53-92-79.
Бухгалтерия: 39-16-44. +7-747-701-50-55

Электрон почта: janubiy@inbox.ru

Газета ҚР Маданият ва ахборот вазирлиги
томонидан 2020 йил 21 апрелдан рўйхатга олиниб,
KZ34VPY00022503 гувоҳнома берилган.

Нашр кўрсаткичи — 65466
Адади — 11900

Набатчи муҳаррир: Нарғиза МАВЛОНОВА.